



REPUBLIKA E SHQIPËRISË

UNIVERSITETI I TIRANËS

FAKULTETI I SHKENCAVE TË NATYRËS

Nr. 309 Prot.  
dt. 24.02.2023

UNION BANK

Nr. 1713 Prot.  
dt. 07.03.2023

## MARRËVESHJE BASHKËPUNIMI

MIDIS

FAKULTETIT TE SHKENCAVE TE NATYRES, UNIVERSITETI I TIRANES

DHE UNION BANK sh.a.

Kjo marrëveshje bashkëpunimi, (këtu e në vazhdim referuar si “Marrëveshja”) lidhet sot më datë 07/03/2023, midis palëve të mëposhtme:

Fakulteti i Shkencave të Natyrës, person juridik, me NIPT: K51713059D dhe seli me adresë: Bulevardi Zog I, Nr 25/1, Tiranë 1001, e-mail: [info@fshn.edu.al](mailto:info@fshn.edu.al), përfaqësuar nga Dekani, Prof. Dr.Spiro Drushku (këtu e në vazhdim referuar si “FSHN”), dhe

Kompania “UNION BANK”, person juridik, me numër urik identifikimi të subjektit NUIS K51807801R, dle seli në adresën: Bulevardi Zogu i I, Rr, Sheshi Ferenc Nopçka, Nd. 5, H.3, Njësia Bashkiake Nr 9, Kodi Postar 1016, Tiranë, përfaqësuar nga Drejtori i Përgjithshëm, Zj. Flutura Veipi.

Këtu e në vazhdim se bashku referuar si ‘Palët’ dhe në menyrë individuale si ‘Pala’.

Palët bien dakord që të respektojnë dispozitat e kësaj marrëveshjeje të shprehura më poshtë.

Neni 1

### Objekti i marrëveshjes

Objekti i kësaj marrëveshje është bashkëpunimi midis palëve për realizimin e veprimtarive me interes të ndërsjelltë duke formalizuar bashkëpunimin në pikat e mëposhtme:

## **1. Praktikat**

- Union Bank do të ofrojë mundësi për praktikë mësimore për studentët e Fakultetit të Shkencave të Natyrës (në funksion të nevojave të UNION BANK dhe të degëve të studimit që ofron Fakulteti). Studentët mund të zhvillojnë praktika me një shtrirje kohore nga 3 deri në 6 muaj.
- Union Bank rezervon të drejtën e shqyrtimit të kandidatëve bazuar ne profilin dhe arritjet e tyre akademike per perzgjedhjen e tyre ne programin e praktikës.
- Union Bank rezervon të drejtën që gjatë zhvillimit të praktikës të refuzojë individë që shkelin rregullat e institucionit dhe që gjykohen të papërshtatshëm për te finalizuar procesin e praktikës në ambientet e Union Bank.
- Union Bank do të kërkojë nga studentët pjesëmarrës në intership, nënshkrimin e një kontrate për ruajtjen e konfidencialitetin të informacionit dhe respektimin e rregullave dhe procedurave të brendshme të tij.

## **2. Organizimi i aktiviteteve të perbashketa**

### **Orët e hapura**

- Union Bank angazhohet të realizojë orë të hapura në prezantim të temave me interes të përbashkët në fushën e teknologjisë së informacionit.
- Universiteti angazhohet për krijimin e kushteve të pjesëmarrjes së studenteve dhe të personelit akademik

Për çdo formë tjetër bashkëpunimi, që kërkon mbështetjen dhe angazhimin e të dyja palëve, do të organizohen tryeza pune të përbashkëta ku do të diskutohen çështjet dhe problematikat.

### **Neni 2**

#### **Angazhimet e palëve**

- Universiteti dhe Union Bank marrin përsipër përbashkëtësinë e gjitha angazhimeve që rrjedhin nga kjo marrëveshje sipas përcaktimeve në nenin 1 dhe në respektim të ligjeve dhe strategjive të zhvillimit të arsimit të lartë në Republikën e Shqipërisë.

- Palët do të angazhohen në mënyrë të ndërsjelltë për promovimin e emrit të mirë, aktivitetit, shërbimeve dhe produkteve të realizuara nga pala tjeter, sa herë që u jepet mundësia gjatë veprimtarive të tyre publike dhe private.

### **Neni 3**

#### **Afati i marrëveshjes**

- Marrëveshja lidhet për një afat kohor të pacaktuar.
- Afati i marrëveshjes fillon nga data e nënshkrimit të saj nga titullarët e të dyja institucioneve.

### **Neni 4**

#### **Komunikimi**

- Palët do të caktojnë nga një person kontakti që do të jetë përgjegjës për të bashkërenduar aktivitetet e marrëveshjes, me qëllim që komunikimi dhe shkëmbimi i informacioneve të jetë i shpejtë, korrekt dhe i efektshëm.
- Për Fakultetin e Skencave te Natyres person kontakti do të jetë Z/Znj. \_\_\_\_\_, dhe për “Union Bank” do të jetë Znj. Enklida Skëndaj.

### **Neni 5**

#### **Amendimet e marrëveshjes**

Kjo marrëveshje mund të ndryshohet pjesërisht ose tërësisht nësë për këtë palët bien dakord më parë midis tyre.

### **Neni 6**

#### **Përfundimi i marrëveshjes**

- Palët kanë të drejtë që me marrëveshje me shkrim midis tyre, të zgjidhin marrëveshjen përpëra plotësimit të afatit të saj.
- Në rast se njëra nga palët kërkon të ndërpresë në mënyrë të njëanshme marrëveshjen, ajo duhet të njoftojë me shkrim brenda 1 (një) muaji palën tjeter, në mënyrë që të mundësohet përfundimi i aktiviteteve në proces.

### **Neni 7**

#### **Dispozita të fundit**

- Marrëveshja përgatitet dhe nënshkruhet në 3 (tre) kopje me të njëjtën vlerë juridike.

- Palët angazhohen se janë të gatshme të bashkëpunojnë për realizimin dhe zbatimin e kësaj marrëveshje.
- Kjo marrëveshje bashkëpunimi u nënshkrua sot, me datë 07/10/2023, dhe hyn në fuqi menjëherë pas nënshkrimit të saj.

**FAKULTETI I SHKENCAVE TË NATYRËS  
UNIVERSITETI I TIRANËS**

DEKANI  
**PROF. DR. SPIRO DRUSHKU**



**UNION BANK  
DREJTORI I PËRGJITHSHËM**



Tiranë më, 07/10/2023